

Paerewa Paetae

Aronga	Tikanga ā-lwi 3.10		
Ingoa	Te tātari i tētahi kawenga pāpori i whakatairangatia ai ngā motika iwi taketake		
Kaupae	3	Whiwhinga	5
		Aromatawai	Ā-roto
Marau akoranga	Te Marautanga o Aotearoa		
Kokonga akoranga	Tikanga ā-lwi		
Mana rēhita	Te rā i mana ai		
Te rā e arotakengia ai	Te rā i puta ai		

Te Hononga ki te Marautanga

I ahu mai tēnei paerewa paetae i te Taumata 8 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Matua

Te Whakaritenga Pāpori me te Ahurea

I roto i te whenu o Te Whakaritenga Pāpori me te Ahurea ka whakawhanake mōhiotanga te ākongā ki:

2 *Ngā motika, ngā tūranga me ngā haepapa o te tangata i a ia e pāhekoheko ana i waenga rōpū.*

Whāinga Paetae

Tikanga ā-lwi

8.2 *Ka whakaawe te āhua o te whakahou i ngā motika, ngā tūranga me ngā haepapa o te takitahi me te hapori, ā, ka whakaawe anō hoki ngā motika, ngā tūranga me ngā haepapa o te takitahi me te hapori i te ahua o te whakahou.*

E hono ana ki te Papa Whakaako mō te Tikanga ā-lwi kei te pae tukutuku nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Te Hononga ki ngā Tikanga Aromatawai

Arā ngā Tikanga Aromatawai mō tēnei paerewa paetae, kei te:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>

Paerewa Paetae

<p>Paetae Te tātari i tētahi kawenga pāpori i whakatairangatia ai ngā motika iwi taketake.</p>	<p>Ka whakamārama i te pūtakenga mai me ngā āhuetanga matua o tētahi kawenga pāpori i whakatairangatia ai ngā motika iwi taketake. Ka matapaki i ngā uara o tēnā me tēnā me ngā tirohanga kē ki te kawenga pāpori, ka taunaki ai.</p>
<p>Kaiaka He kaiaka te tātari i tētahi kawenga pāpori i whakatairangatia ai ngā motika iwi taketake.</p>	<p>Ka matapaki i ngā urupare a tēnā me tēnā ki te kawenga pāpori. Ka whakatau whakaaro mō ngā hua wā poto me ngā hua wā roa i puta ake, ka puta ake rānei, ka āta taunaki ai.</p>
<p>Kairangi He kairangi te tātari i tētahi kawenga pāpori i whakatairangatia ai ngā motika iwi taketake.</p>	<p>Ka tino mātau te whakatau whakaaro mō ngā hua whānui i puta ake, ka puta ake rānei i te kawenga pāpori, ka āta taunaki ai.</p>

Kōrero Āpiti

E whai ake nei ngā whakamārama o ngā tino kupu, kīanga rānei:

<p>kawenga pāpori i whakatairangatia ai ngā motika iwi taketake</p>	<p>Tētahi kawenga pāpori i hua mai ai i tētahi take e pā ana ki te iwi taketake. Hei tauira, ko:</p> <ul style="list-style-type: none"> • te mautohe/porotēhe, te puni, te hīkoi, te petihana, te aukati • ngā toi taketake, ataata mai, puoro mai, haka mai • te rāngai pāpāho iwi taketake: ngā nūpepa, ngā reo irirangi • te whanaketanga o ngā rōpū whakahaere kaupapa iwi taketake, pēnei i ēnei: Black Panthers, Māori Women’s Welfare League, Ngā Tamatoa, Amazon Watch, Polynesian Panthers
<p>te pūtakenga mai me ngā āhuetanga matua</p>	<p>Ko te tīmatanga me ngā tino wāhanga o te kaupapa, arā;</p> <ul style="list-style-type: none"> • ngā tāngata, ngā rōpū whakahaere rānei • ngā take i ara ake ai te kaupapa • ngā whāinga o te kaupapa • ngā whāinga tōmua.
<p>ngā uara o tēnā me tēnā me ngā tirohanga kē</p>	<p>Arā pea, ko ngā uara/whakaaro/tirohanga kē o mua, o āiane, e pā ana ki te kaupapa.</p>

ngā urupare	Ko ngā urupare mai o roto, o waho rānei, arā pea: <ul style="list-style-type: none"> • te urupare a te kāwanatanga • te tautoko, te tautoko kore rānei a iwi kē atu • te urupare a ngā tāngata/rōpū/wāhanga nō roto mai o te iwi taketake.
ngā hua wā poto me ngā hua wā roa	Ko ngā hua ka puta ake, arā pea, ko: <ul style="list-style-type: none"> • ngā ara kimi mātauranga iwi taketake pēnei me te kōhanga reo, te kura kaupapa Māori, me te wānanga • ngā ture whenua/reo • ngā pāremata/kāwanatanga/rūnanga ā-iwi taketake.
ngā hua whānui	Ngā hua ka whakaarohia, engari kāore tonu i āta kōrerotia. Tēnā pea he hua taiao, hua pāpori, hua ohaoha, hua hītori, hua matawhenua, hua tōrangapū, hua whaiaro rānei.
ka tino mātau te whakatau whakaaro	He āta tuitui kōrero i runga i te aronga hou, i te aronga auaha, he tūhura i ngā pānga rehurehu, he whakamahi i ngā pūkenga whakaaro ikeike pērā i te whakahiato whakaaro hei whakaatu i ngā hua whānui o ngā kawenga e hāpai ana i ngā motika iwi taketake.
ka taunaki ai	Me rapu ngā kōrero tautoko i te horopaki e tika ana, e whai mana ana hoki ki te rōpū e kōrerotia ana, inarā ngā kōrero e pā ana ki ngā whakapono me ngā mātāpono o taua rōpū.
ka āta taunaki ai	Ka whakamahi i ngā kōrero tautoko whānui hei taunaki i te whakatau whakaaro. Hei tauira, ko: <ul style="list-style-type: none"> • te uiui tāngata • ngā tuhinga hītori • ngā pūrongo moheni, nūpepa rānei • ngā raraunga • ngā waiata tawhito.

Kuputaka:
kawenga pāpori

social action

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233